

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

112/2020 Foru Agindua, ekainaren 1ekoa, hasierako onespina ematen diona Bernedoko udalerriko 2 poligonoko 515-C lurzatian, lurzoru urbanizaezinean, haizea neurtzeko Azazeta-1 estazio meteorologikoa instalatzeko/desinstalatzeko eta Aixear SA enpresak sustatutako proiektuaren interes publikoaren adierazpeneko espedienteari

Aixear SA sozietateak, zeina Eólicas de Euskadi SAK (Grupo Iberdrola) eta Cadem SAK (EVE taldea) eratzen baitute, Bernedoko Udalari hirigintza lizentzia eskatu dio Azazeta-1 estazio meteorologikoa instalatzeko/desinstalatzeko proiekturako, xedea baita haizea neurtzea Azazeta inguruan. Horretarako, 82,5 metro altuko neurketa dorre bat behar da, 2 poligonoko 515-C lurzatian, udalerrri horretako lurzoru urbanizaezinean.

Bernedoko Udalak espedientea bidali eta proiektuaren interes publikoaren adierazpena izapidetzeko eskatzen du, Lurzoruaren eta Hirigintzaren ekainaren 30eko 2/2006 Legeak 28.5.a) artikuluan xedatutakoa betetzeko.

Espedientean dago proiektu teknikoak, baita udal arkitektoak eginiko aldeko txostena ere, zeinetan adierazten baita instalazioak kokaleku izango duen lurzattia lurzoru urbanizaezin sailkatutako lursailean dagoela. Zehazki, eskatutako kokapena Eusko Jaurlaritzaren 11 zonako lurretan dago, Komunitate Ekipamenduko Sistema Orokorriari (Herritarren Defentsa eta Babesa) dagokion zonako lurretan, zeinak antolamendu xehatua baitu, 1993ko ekainean Berrozi Komunitate Ekipamenduko Sistema Orokorra Garatzeko Plan Bereziaren erreforman garatua. Txosten horretan azaldutakoaren arabera, Plan Bereziak bi eremutan zonakatzen du eremua: SGEC-1, oro har Berroziko alde zaharreko eraikinei dagokiena, eta SGEC-II, basogintza eta nekazaritza lurzoruari dagokiona. Dorrea SGEC-II "Zona libreak-Larreak" eremuan dago.

Udalerriko indarreko arau subsidiarioen 137. artikuluan aurreikusitakoarekin bat etorritik, onura publikoko eta gizarte intereseko azpiegiturak baimentzen dira lurzoru urbanizaezineko zona guztietan, salbu eta 1, 2 eta 8 zonetan eta organo eskudunak egokitzen ez dituenetan.

Aixear SAK bere eskaeran adierazi du Ertzaintzak Berrozin duen basetik hurbil dagoela kokalekua, Eusko Jaurlaritzaren lurretan, zeinak esan baitu erakunde horrekin baimen akordio bat sinatzeko borondatea duela lursail horiek okupatzeko.

OINARRI JURIDIKOAK

Lehenengoa. Ingurumen eta Hirigintza Sailak eskumena du aztertzen ari den espedientea ebazteko, Diputatu Nagusiaren uztailaren 5eko 324/2019 Foru Dekretuaren arabera eta Sailaren Egitura Organiko eta Funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Bat etorritik Lurzoruari eta Hirigintzari buruzko 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzeko den arloko legeriak edo lurralde antolamenduak interes publikoko deklaraturako zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez deklaratu behar baititu interes publikoko, hogeit egunetz jendaurrean edukitzeko izapidea bete ondoren."

Bigarrena. Aztertutako kasuan, hasierako onespina izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, eta dagozkidan ahalmenak erabiliz, hau

XEDATZEN DUT

Lehenengoa. Hasierako onespina ematea Bernedoko udalerriko 2 poligonoko 515-C lurzatian, lurzoru urbanizaezinean, Berrozin, 82,5 metro altuko neurketa dorre bat muntatzearen bidez haizea neurtzeko Azazeta-1 estazio meteorologikoa instalatzeko/desinstalatzeko proiektuaren interes publikoaren adierazpenari buruzko espedienteari. Proiektu hori Aixear SA sozietateak sustatu du, zeina Eólicas de Euskadi SAK (Grupo Iberdrola) eta Cadem SAK (EVE taldea) eratzen baitute.

Bigarrena. Espedientea jendaurrean jartzea hogei egunez, foru agindu hau ALHAOn argitaratzen denetik aurrera. Aldi horretan nahi duen orok nahi dituen alegazio guztiak aurkeztu ahal izango ditu. Interesdunek Lurralde Antolamenduaren eta Hirigintzaren Zerbitzuan azter dezakete espedientea.

Gasteiz, 2020ko ekainaren 1a

Ingurumen eta Hirigintza Saileko foru diputatua
JOSEAN GALERA CARRILLO